

Siunnersuummut nassuiaatit

Nassuiaatit nalinginnaasut

1. Aallaqqaasiut

Inuussutissarsiummik ingerlataqarneq pillugu Inatsisartut inatsisaat 1. januar 2016-imi atuutilerpoq.

Inatsisartut 14. november 2016-imi Det Centrale Virksomhedsregisterimi (CVR-imi) nalunaarsorneqartarneq pillugu Inatsisartut inatsisaat akuersissutigaa. Inatsisartut inatsisaatigut tassuuna Inuussutissarsiummik Ingerlataqartunik Nalunaarsuiffik pillugu Inatsisartut inatsisaat atorunnaassaaq, aammalu Kalaallit Nunaanni suliffeqarfiit immikkoortoqarfiillu nalunaarutigisarnissaannut pisussaaffigisaq CVR-imut ikaarsaariartinneqarluni.

2. Siunnersuutip immikkoortui pingaarnertit

Siunnersuummiippat ilaatigut Det Centrale Virksomhedsregisterimi (CVR-imi) nalunaarsorneqartarneq pillugu Inatsisartut inatsisaata akuersissutigineranik kingunerisaq, kiisalu naqqiut, pissutigalugu inuussutissarsiummik ingerlataqarneq pillugu Inatsisartut inatsisaata nalunaarutigineranut atatillugu danskisut aamma kalaallisut allanneqarsimaffianni naapertuutoqanngitsoq paasineqarmat.

Inatsisissatut siunnersuut inatsimmut atuuttumut assersuullugu	
<i>Oqaasertaliussaq atuuttoq</i>	<i>Inatsisissatut siunnersuut</i>
	§ 1 Inuussutissarsiummik ingerlataqarneq pillugu Inatsisartut inatsisaat nr. 29, 9. december 2015-imeersumi makkuninnga allannguteqartoqassaaq:
	1. Inatsisartut inatsisaanni tamarmi ”IIN normu” ”CVR normu”-mut allanngortinneqassaaq.
	2. § 2, imm. 3, imatut oqaasertalissaaq: ” Imm. 3. Nuisitsivimmi, saqqummersitsivimmi, timersortartut katerisimaarneranni

	<p>niuffaffimmilu tuniniaanermi aaqqissuisoq kingusinnerpaamik aaqqissuussinerup am-marnerani</p> <p>inuussutissarsiummik ingerlataqartut aqqi, najugai aamma IIN-imi normua allallugit allattuiffiliorsimassaaq. Allattuiffik aaqqissuussinerup matoreernerata kingorna ukiuni tallimani paarineqassaaq aammalu nakkutilli-inermut oqartussaasunut piumasarineqartillugu tunniunneqassaaq. Peqataasoq IIN-imi normumik peqarnissamik pisussaaffeqanngippat taamaallaat aqqa najugaalu allanneqassapput.”.</p>
	<p style="text-align: center;">§ 2</p> <p>Nr. 1 ulloq 1. januar 2018-imi atuutilerpoq. <i>Imm.</i> 2. Nr. 2 ulloq 1. juli 2017-imi atuutilerpoq.</p>

3. Pisortanut aningaasaqarnikkut allaffissornikkullu kingunerisinnaasat

Allanguutit aaqqissuussinertut ittuupput, taamaattumillu pisortanut siunnersuut kingunerisinnaasaqanngilaq.

4. Inuussutissarsiorfimmuut aningaasaqarnikkut allaffissornikkullu kingunerisinnaasat

Siunnersuut inuussutissarsiorfimmuut kingunerisinnaasaqanngilaq.

5. Avatangiisinut, pinngortitamut innuttaasullu peqqissusaannut kingunerisinnaasat

Siunnersuut avatangiisinut, pinngortitamut imaluunniit innuttaasut peqqissusaannut kingunerisinnaasaqanngilaq.

6. Innuttaasunut kingunerisinnaasat

Siunnersuut innuttaasunut kingunerisinnaasaqanngilaq.

7. Kingunerisinnaasat pingaarutillit allat

Siunnersuut allanik pingaarutilinnik kingunerisinnaasaqanngilaq.

8. Pisortani kattuffinnilu il.il. tusarniaaneq

Siunnersuut piffissami xx-imit yy 20xx-imut tusarniaaffittut illua'tungerisani makkunani tusarniaassutaasimavoq:

Sulisitsisut (GE), NUSUKA, SIK, KANUKOKA, Kommuneqarfik Sermersooq, Qaasuitsup

Kommunia, Qeqqata Kommunia, Kommune Kujalleq, kiisalu namminersorlutik oqartussani naalakkersuisoqarfiit tamarmik.

Siunnersuut aamma piffissami tassani namminersorlutik oqartussat tusarniaassutinut nittar-tagaaniitinneqarsimavoq.

Makkunanit tusarniaanermut akissutit tiguneqarput:

Tusarniaanermut akissutit tamarmik imarisaat tamakkerlugit Inatsisartuni suliarinnittutut a-taatsimiititaliamut nassiunneqaqataapput.

Tulliani tusarniaanermut nalaani takkussimasutut tusarniaanermut akissutit allannguutissatullu siunnersuutit misissorneqarput. Pingaaruteqassutsimik nalilersuisoqarnera tunngavigalugu tusarniaanermut akissutit uingasunik nalunaarsukkat taamaallaat pingaarnersiorlugit saqqum-miunneqarnerat oqaatigineqassaaq.

Siunnersuummi aalajangersakkanut ataasiakkaanut nassuiaatit

§ 1-imut

Nr. 1-imut

Suliffeqarfiit pillugit qitiusumik nalunaarsuiffimmi Det Centrale Virksomhedsregisterimi nalunaarsorneqartarneq pillugu Inatsisartut inatsisaata akuersissutaanerata nassatarisaanik naqqiuteqarnerit.

Nr. 2-mut

§ 2, imm. 3 kukkussuteqarnikkut kalaallisoortaani ilanngunneqarsimanngilaq. Taamaalilluni kalaallisoortaa qallunaatoortaa imminnut naapertuutsinneqalerput.

§ 2-mut

Imm. 1-imut

Nr. 1-ip ulloq 1. januar 2018-imi atuutsilernissaa siunnersuutigineqarpoq, taamaalilluni Det Centrale Virksomhedsregisterimi nalunaarsorneqartarneq pillugu Inatsisartut inatsisaata atuutilerfia, aammalu inuussutissarsiummik ingerlataqarneq pillugu Inatsisartut inatsisaanni IIN-normu'mik CVR-normu'mut allannguuteqarnerup atuutilerfia ulloq taanna pisinneqassalutik.

Imm. 2-mut

Aaqqissuussinikkut allannguutip ulloq 1. juli 2017-imi atuutilernissaa siunnersuutigineqarpoq.

§ 3-mut

IIN/CVR-normunik nalunaarsuinerit, kiisalu IIN/CVR-normunik allattuiffiliornertut tunngasuni ikaarsaariarfimmi qaammatini arfinilinni § 2, imm. 1-imik aamma imm. 3-mik unioqutitsinerit pineqaatissiissutinik nassataqarsinnaassannginnerat siunnersuutigineqarpoq. Det Centrale Virksomhedsregisterimi nalunaarsorneqarnissamut Kalaallit Nunaanni namminersorluni inuussutissarsiuteqartut nalunaarsorfianni nalunaarsugaanermi ikaarsaariarnermut atuutsilernissaanut piffissaq sivilisugaluartoq kikkut tamarmik 1. januar 2018-imi CVR-imut nalunaarsugaanissamik utaqqisitsissappata aaqqissuussivimmi artukkertoqarsinnaanera tamatumunnga patsisaavoq.